


S **Afl. 1.25** LO

BRIYANDO FUERTE • TRECIENDO CLARIDAD
DIARAZON 27 MAART 2024

Di Pueblo

SOLO SALUD

**A DESCUBRI UN "SWITCH"
CU POR YUDA COMBATI
MALESA AU TOIMMUNE**




WWW.SOLODIPUEBLO.COM



SOLODIPUEBLO@GMAIL.COM

VIRUS DI DOLOR DI STOMA NA CURACAO



E UNICO TERENO CU GABINETE WEVER-CROES A OTORGA DESDE 2017, TA PA CONSTRUI SECRETS HOTEL NA SAN NICOLAS




A.T.A. TA FIRMA ACUERDO STRATEGICO CU FUNDACION PARKE NACIONAL ARUBA (FPNA)

‘Como sosten na proteccion y preservacion di nos naturalesa, y na un desaroyo sostenibel di turismo’



ACCIDENTE CU HENDE HERIDA NA CRUSADA WESTSTRAAT/ PROF. LORENTZSTRAAT



NA APRIL UN OFICINA DI DOKTER DI CAS NOBO TA HABRI SU PORTA PA E ASEGURADONAN DI AZV NA IMSAN.



Durante Manifestacion Cultural MINISTER-PRESIDENT EVELYN WEVER-CROES Y MINISTER XIOMARA MADURO A HACI ENTREGA DI E BANDERA OFICIAL DI ARUBA NA SCOUT ARUBA PA HISA DURANTE E ACTO PROTOCOLAR



Durante e Manifestacion Cultural cu a tuma lugá dia 17 di maart, en conexión cu Celebracion di Dia di Nos Himno y Bandera, Minister-President Evelyn Wever-Croes y Minister Xiomara Maduro di Cultura a haci entrega di e bandera oficial cu a wordo hisa durante e Acto Protocolar riba Plaza Libertador Betico Croes.

E bandera, cu ta simbolo di unidad, cultura y herencia di nos Pais, a ser entrega na lider di Scout Aruba, Sr. Mariano Thiel. Cu e gesto aki, Sr. Thiel a ser honra cu e responsabilidad di ricibi


e bandera for di man di ambos mandatario. Esaki a pone énfasis riba e respet y confiansa deposita den su persona y Scout Aruba, reconociendo nan dedicacion pa fomenta entre nos hobennan e sentido di patriotismo y di duna bek na comunidad. E momento unico aki a marca inicio di e celebracionnan di Dia di Himno y Bandera, un dia cu tabata sumamente bunita unda cu pueblo henter a sali y celebra nos dia nacional.

Minister di Cultura, Xiomara Maduro, a expresa su admiracion pa e trabou cu Scout Aruba ta haciendo, mencionando, 'E grupo Scout Aruba, bou liderazgo di Sr. Mariano Thiel, ta ehempel di e balornan di liderazgo, servicio y comunidad cu ta fundamental pa nos identidad Arubano. Entregando nan e bandera oficial pa e Acto Protocolar ta un muestra di nan compromiso pa cu e

principionan aki.'

E Manifestacion Cultural mes tabata un celebracion unico cu a duna un toke na e Dia di Himno y Bandera, unda cu tabata tin diferente presentacion di nos talentonan local cu a celebra cultura, historia, y arte di nos Pais. E anochi aki a sirbi como un momento pa reflexiona riba nos simbolonan nacional y e unidad cu nan ta representa.

E eventonan di e aña aki no solamente a conmemora nos simbolonan nacional pero tambe a reforsa e identidad colectivo y balornan cu ta haci nos Pais unico. Minister di Cultura kier a extende su mas sincero gratitud na Sr. Mariano Thiel y Scout Aruba pa nan rol den e Manifestacion Cultural, Acto Protocolar y nan esfuersonan continuo den formacion di e lidernan di mañan.



CHAUFFEUR DI TRUCK HALTO TABATA WANDA PA HABRI PORTA DI WAF HABRI PERO E TABATA ASINA CERCA CU NO A WAK E HEFBOOM Y A DAL ESAKI

Dialuna mainta tempran a drenta informe di un incidente na entrada di waf, mesora a dirigi un patruya na e sitio. Na yegada di e patruya a bin compronde cu un truck halto a bini na entrada di waf warda nan habri e porta pero como cu e truck ta hopi halto e chauffeur no a mira e hefboom y ora e porta a habri a bay pasa sin a warda e hefboom bay halto y ela dal e hefboom.



**Announcement of the
Government of Aruba
Treasury Bills issuance – Afl. 32,250,000.00
April 5, 2024 – July 5, 2024**

Issuance pursuant to the State Ordinance on Treasury Paper (AB 1987 no. 3), State Decree Treasury Paper (AB 1988 no. 6), and the State Decree no. 1 of March 4, 2024.

The Centrale Bank van Aruba (CBA) informs of the upcoming Government of Aruba (GOA) Treasury Bills issue on April 5, 2024, in multiples of Afl. 250,000.00 and Afl. 1,000,000.00.

Amount:	Afl. 32,250,000.00
Maturity:	3 months
Redemption date:	July 5, 2024

Participation in the upcoming GOA Treasury Bills issue is only allowed through the intermediation of a local commercial bank. Application forms must be submitted to the CBA on **Tuesday, April 2, 2024 at the latest at 4:30 p.m. (cutoff time).**

Aruba, March 27, 2024
Centrale Bank van Aruba

AFPAKTEAM ACTIVO NA AEROPUERTO PRIVA

Siman pasa tabatin varios control na aeropuerto priva. E controlnan integral aki tabata den man di Afpakteam, Interpol y UMM (Unit Mensensmokkal en Mensenhandel) y a tuma lugar den cooperacion estrecho cu AAA (Aruba Airport Authority).

Angeline Flemming, director di Health, Safety and Sustainability di

AAA, a bisa: "E accionnan aki ta subraya e obhetivo di AAA pa promove operacionnan safe na aeropuerto. E cooperacion cu organismonan local y internacional encarga di mantene ley tabata excelente y e esfuerzonan conhunto tabatin un impacto grandi. E frecuencia lo aumenta den e lunanan venidero".

Afpakteam ta un

asociacion entre varios partner di investigacion, entre otro Ministerio Publico, Polis, Aduanas, Unidad di Inteligencia Financiero (UIF), Marechaussee (KMar) y Guardia Costa.

Afpakteam a lanta na 2017 cu e obhetivo di combati delincuencia financiero subversivo na un manera mas eficiente, particularmente via prevencion y deteccion di

actividadnan di labamento di placa y di kitamento di activonan obteni via crimen. E bienes cu a wordo kita ta bay den un fondo special di Aruba, cu ta sirbi pa lucha contra crimen.

Tur e partnernan a indica cu lo hiba mas control integral den futuro.

Pa tips y señalnan (di labamento di placa) puede



comunica cu Afpakteam via tiplijn (11141).

VIRUS DI DOLOR DI STOMA NA CURACAO


Actualmente, e isla di Curacao ta experienciando un brote di un virus di bariga cu ta causa diarrea, sacamento y dolor di stoma. Ta sumamente importante pa, si bo ta pensa cu bo ta afecta pa e virus aki, pa bo evita di come alimentonan cu tin hopi suco, picante, y productonan di lechi.

Tambe, ta importante pa abstene di bebe likido cu tin gas y consumi alimentonan cu por produci gas den curpa.

Ta recomenda alimentonan manera kraker, pan tosta, apel, sopi y yogurt sin suco como alternativa mas sigur.

Na Aruba, ainda no tin confirmacion di presensia di e virus aki, pero ta sumamente importante mantene alerta y tuma e precausion necesario pa evita cualkier posibel propagacion.

Cuida bo salud y mantene bo mes bon informa.



CHAUFFEUR DI PICK-UP CORA A PASA DAL UN PALO DI LUS KIBRA RIBA E.J."WATTY" VOS BLVD. Y SIGI CORE BAY



Diadomingo anochi a drenta informe di un accidente hit & run riba E.J."Watty" Vos blvd. banda di F.C.C.A. na Wayaca, mesora a dirigi

un patruya na e sitio. Na yegada di e patruya a bin compronde cu testigonan a wak un pickup grandi color cora pasa dal e palo di lus kibra y lage abao


benta. Polis a logra haya e modelo y un number pa bay investiga.

Polis dibtrafico lo sigi cu e investigacion.


ACCIDENTE CU HENDE HERIDA NA CRUSADA WESTSTRAAT/PROF. LORENTZSTRAAT



Diadomingo anochi a drenta informe di un accidente cu hende herida na e crusada Weststraat/Prof. Lorentzstraat, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda un turista recién yega coriendo un s.u.v. biniendo di zuid den Weststraat no a duna preferencia na un auto biniendo di pariba den Prof. Lorentzstraat. E s.u.v. a dal e auto bir'e 90 grado y a sigi bay dal riba un mata y e cura di un cas otro banda di caminda. Debi na e fuerte impacto un persona a resulta herida. Na yegada di e ambulans nan a atende e victima na e sitio mes.



POLIS A BAY VERANO PA UN CHAUFFEUR CU A PEGA SOÑO TRAS DI STUUR MEYMEY DI CAMINDA NA UN CRUSADA



Dialuna madruga a drenta informe di cu tin un chauffeur drumi den un pick-up meymey di un crusada na Verano, mesora a dirigi un patruya na e sitio. Na yegada di e patruya a haya e pick-up Changan para meymey di e crusada. Polis a lanta e chauffeur kende a admiti di tabata basta cansa y a keda eynan para pa basta rato. Como cu ela medio recupera polis a lague core e auto y nan a bay su tras pa e yega su cas sano y salvo.

SETAR TA CONTENTO DI PARTNER CU ARUBA SCHOLARSHIP FOUNDATION

Recientemente SETAR a haci un donacion na Aruba Scholarship Foundation pa brinda nos studiantenan cu ta bay studia na Merca, Canada of den region e oportunidad pa ricibi un beca. Cu e donacion aki, SETAR ta compromete su mes cu e enseñansa di nos hobennan y e crecemento profesional di nos studiantenan cu ta nos futuro profesionalnan.

Aruba Scholarship Foundation a wordo funda na 1989 y ta un fundacion completamente independiente cu ta otorga beca cu fondo ricibi di fundraising y donacion



tur aña pa e estudiante por sigui un estudio superior acredita den exterior. E becanan ta completamente complementario banda di

e studielening di Aruba. Desde su existencia Aruba Scholarship Foundation a otorga mas cu 100 beca den diferente ramo.

Minister Rocco Tjon: PROYECTO PILOTO PA INTRODUCI BIJLES GRATIS PA MUCHANAN DI BASISSCHOOL DEN CUADRO DI PROYECTO VEILIGE BARIO'S

Recientemente, reunionnan preparatorio a continua entre Ministerio di Husticia y Asuntonan Social y FEPA, pa loke ta e proyecto dentro di Veilige Barios, caminda ta bay brinda muchanan di basisschool bijles gratis den e vaknan di rekenen y taal. Un paso sumamente importante, pasobra di e forma aki ta brinda e muchanan un oportunidad adicional y ta yudanan yega na un futuro mucho mas miho pa nan mes.

E proyecto di Veilige Bario's ta consisti di diferente pilarnan, un di e pilarnan

aki ta pa crea siguridad den e bario a traves di diferente metodo manera mas iluminacion, mas siguridad den trafico. Banda di esaki, e otro pilar ta pa percura cu tin mas actividad den bario, pa di e forma aki nan no ta riba caya y por participa den mas actividad den e centronan di bario. Pa e parti aki, Ministerio di Husticia y Asuntonan Social ta colaborando cu CEDE Aruba, caminda antes solamente 500 mil florin tawata wordo ubica pa e centronan di bario por opera, awendia esaki a subi te cu alrededor di 2 miyon

florin.

Un otro pilar, ta percura pa mas participacion di e ciudadanonan den e bario mes. Diferente programanan ta enfoca riba deporte, cultura, musica y workshops pa loke ta e parti laboral, pa asina e hobennan por haya mas conocimiento, pa asina engrandece e oportunidad pa participa den e mercado laboral. Esaki ta algo sumamente importante, mirando cu e muchanan cu tin mester di e ayudo adicional, lo por haya esaki riba e tereno di



enseñansa, específicamente e tereno di rekenen y taal, cual ta dos vak importante pa e desaroyo profesional educativo di e hoben.

Minister di Husticia y Asuntonan Social sr. Rocco Tjon, a gradici FEPA, kende

ta e instancia cu ta bay ehecuta e proyecto aki, caminda cuater basisschool lo cuminsa participa den e proyecto piloto aki y alrededor di 60 mucha lo ricibi e oportunidad pa forma parti di e proyecto aki.



ANUNCIO

OPENING HOURS

**DEN CONECCION CU CELEBRACION
DI BIerna SANTO Y PASCO GRANDI**

NOS LO TA SERA:

**DIABIerna 29 DI MAART
Y
DIALUNA 1 DI APRIL**

NOS TA HABRI DIASABRA 30 DI MAART



**Orario: dialuna pa diabierna 9 - 6pm - Schotland str. 46 tel. 280-6080
• Warehouse Melveld 3A-1 tel. 582-1671 •**



NA APRIL UN OFICINA DI DOKTER DI CAS NOBO TA HABRI SU PORTA PA E ASEGURADONAN DI AZV NA IMSAN.

Na ImSan lo habri un oficina di dokter di cas nobo na luna di april. E ta bay ta un HOED (Huisartsen onder één dak), esaki ta un concepto unda diferente dokter di cas ta traha hunto riba 1 localidad pa brinda servicio na e aseguradonan di AZV.

Eventualmente 5 dokter di cas ta bay traha den e oficina nobo, cual 3 di nan ta cuminsa caba na april. Dr Gonzales-Diaz, cu ta conoci ya pa hopi aña na Aruba como dokter di cas y 2 dokter nobo ; dr Laura

Barrenzueta y dr Lorena Soto. Nan tres ta cuminsa pa atende e pashentnan cu te cu luna di maart 2024 ta pashent di e dokter Geerman -Tromp di Savaneta y dr Every/Essed na San Nicolas.

Dr Geerman-Tromp y dr Every ta bay cu pensioen como dokter di cas y AZV kier gradici nan pa tur e añanan cu nan a brinda servicio na e aseguradonan di AZV. E pashentnan ta bon bini for di di 2 di april na e oficina nobo na ImSan.



Prome Minister Evelyn Wever-Croes:

E LUCHA CONTRA ABUSO Y ABUSO SEXUAL DI MENOR, TA PRIORIDAD NUMBER 1 DI GABINETE WEVER-CROES

" Gobierno a haci, ta haciendo, y lo sigui haci di su parti, pero ta importante, pa den e lucha aki, por conta riba sosten di cada ciudadano tambe"

Durante un conferencia di prensa di Gobierno, Prome Minister Evelyn Wever-Croes a elabora riba e importancia cu e lucha contra abuso y abuso sexual di mucha tin pa Gabinete Wever-Croes II. Prome Minister a indica cu abuso contra menor tabata prioridad number 1 di Gabinete Wever-Croes I, ta di Gabinete Wever-Croes II, y lo keda prioridad number un den e temponan nos dilanti pa proteha nos muchanan.

Prome Minister a splica cu den wowo di muchanan, hendenan adulto ta esnan cu tey pa cuida y

protehanan. Na momento cu nan wak un adulto, nan ta wak un persona cu por yudanan, evitando pa hende haci nan daño. Pero na momento cu e persona ey fayanan, e daño cu lo causa riba e criatura ta ireversibel.

E impacto ta asina devastador, cu lo afect'e pa resto di su bida.

"Gabinete Wever-Croes lo sigui tuma pasonan sigur y firme pa sigui den e lucha contra abuso di nos muchanan. E ta alarmante pa wak e resultado di e estudionan haci, indicando cu esnan cu ta comete

e acto di abuso contra mucha, 99% di biaha ta un persona cu ta serca di e mucha. Pero e ta un indicacion fuerte tambe cu aparte di leyman di castigo y investigacion, mester cuminsa enfoca mas den e famia.

Y aki ta unda nos mester di cada ciudadano di pais Aruba, pa yuda nos.

Gobierno a haci, ta haciendo, y lo sigui haci tur di su parti, pero ta importante pa conta riba sosten di cada ciudadano pa cu esaki tambe. Prevencion ta den man di nos tur" Prome Minister a enfatisa.



Minister Endy Croes: NTG & NLG A ORGANISA TREMEMDO SHOW CULTURAL



: Diadomingo ultimo, Minister di Enseñansa y Deporte Endy Croes a acudi na e show Tur Cos pa Bo, Mi Dushi Aruba na Cage Nightclub. Un show cultural rico na musica, baile, canto y

entretenimento pa celebra Dia di Himno y Bandera, organisa pa NTG & NLG - New Timbirichi & Lolipop Generation.

Tabatin diferente cantante presente pa deleita e

publico cu nan bunita bos entre otro, Mirlaine Vis, Jaylon Machado, Karena Maduro y Jose David Polanco y banda. Ademas di esaki, Mitchel Almary a presenta su bunita cancion titula Agente di Paz. A clausura e anochi cu un magnifico show di Carnaval.

E meta di e show cultural aki tabata pa recauda fondo pa hiba e bailarinanan di NLG & NTG Medellin, Colombia pa un tayer (clinic) di baile. Tur hende presente a gosa di e tremendo show cultural y aporta pa hiba nos talentonan local den



exterior pa sigui desaroya nan talento.

Minister Endy Croes ta gradici Sra. Marisol Peña pa tur su esfuerzo, amor y dedicacion cu e tin pa

e mucha- y hobennan di NTG & NLG y ta felicita henter e grupo cu e bunita show cultural aki, en conexion cu celebracion di Dia di Himno y Bandera.

Cas di Max
Mueble y mas

ANUNCIO

ANUNCIO IMPORTANTE

Nos kier anuncia cu desde e siman aki nos muebles nan manera:

- KASHI PANJA • LESSENAAR
- COMMODES • TV STAND
- BOEKEN KAST

Tur ta disponibel na nos Warehouse na Meiveld den Show!

- TUR CORCHON • KASHI PANJA
- CAMA CU NIGHTSTAND
- MESA DI COMMEDOR

Ta keda disponibel na nos Showroom na Schotlandstraat 46

Check nos riba social media like y follow

Orario: dialuna pa diabierna 9 - 6pm - Schotland str. 46 tel. 280-6080

• Warehouse Meiveld 3A-1 tel. 582-1671 •

699-5511

A.T.A. TA FIRMA ACUERDO STRATEGICO CU FUNDACION PARKE NACIONAL ARUBA (FPNA)

‘Como sosten na proteccion y preservacion di nos naturalesa, y na un desaroyo sostenibel di turismo’



Aruba Tourism Authority (A.T.A.) ta anuncia cu a firma acuerdo di un año cu Fundacion Parke Nacional Aruba (FPNA). Cu e acuerdo strategico aki, A.T.A. ta reafirma su compromiso pa sigui traha di cerca cu FPNA como un sosten mutuo pa cu esfuersonan continuo den proteccion y preservacion di nos naturalesa..

A.T.A. ta reconoce cu e necesidad pa enfoca riba un desaroyo turistico duradero y sostenibel ta di suma importancia como un esfuerzo comun. Uniendo forsa, nos por garantiza cu nos pilar economico principal ta keda un fuente di entrada vital pa e añanan benidero. E vision di A.T.A. ta basa riba e modelo di ‘High Value – Low Impact’ cu ta para pa un balanse entre cuater pilar cu ta e ‘Calidad di Bida di e residente’, ‘Calidad di Experiencia di e Bishitante’, Proteccion y Preservacion di Naturalesa & Medio Ambiente, y Contribucion Economico di e Sector Turistico’.

Pa hopi año caba A.T.A. ta provee sosten na FPNA pa cu inversionanan

den proyectonan unda turismo y naturalesa por co-existi. Ademas A.T.A. lo sigui pone fondonan disponibel pa mantencion y renobacion di diferente sitionan turistico, asina mehorando seguridad, accesibilidad y experiencia di e local y bishitantenan di e isla y alavez maneja e impacto di e bishitantenan riba naturalesa. E acuerdo cu a firma ta enfoca riba proyectonan infrastructural, manera e proyecto di mantencion di railing, trapinan y otro facilidadnan na entre otro Conchi, Dos Playa, Boca Prins, Grot Fontein y Grot Quadirikiri den Parke Nacional Arikok, y tambe lo coloca “boulders” na salinja Malmok pa limita trafico.

Como e entidad encarga cu maneho y mercadeo di nos isla, A.T.A. lo asisti tambe den promocion corecto di experencianan autentico den y rond di e areanan cu ta resorta bou di FPNA. Particularmente lo percura pa alineacion den esfuersonan di comunicacion, lo enfoca riba codigo di conducta informando bishitantenan di entre otro reglanan y ley, y lo brinda mas informacion

y educacion referente nos parhanan y nos naturalesa.

A.T.A. lo pues sigui traha di cerca cu FPNA pa maneja bishitantenan di un manera cu ta minimalisa daño na naturalesa y medio ambiente mientras ta promove sostenibilidad. Esaki mescos cu a bin ta haci, unda entre otro a inverti den Mangel Halto, y tambe a coloca “boulders” na Sasarawichi.

E colaboracion strategico aki ta nifica tambe cu A.T.A. lo obtene informacion y data mas concreto di bishitantenan atravez di un proyecto nobo cu lo lanza otro luna, esta e eco-counter cu lo midi e fluho di bishitantenan na e areanan natural di Aruba y abilita pa adapta maneho den futuro. Atravez di instalacion di Eco-Counter na diferente localidadnan cu trafico halto di bishitante, A.T.A lo por provee data cu lo yuda cu mihor planificacion. E Eco-counter ta ofrece un solucion cu ta contayanalisa peatón atraves di un scan cu ta garantiza e privacidad di bishitantenan. E areanan cu lo mira instalacion di e Eco-counter ta inclui Conchi, Grot Fontein y Spaans Lagoen, pa cuminsa, cu ta cay bou di maneho di FPNA.

“Nos ta sumamente entusiasmo pa sigui colabora cu FPNA den nos mision mutuo pa preserva y proteha nos tesoronan natural y nos medio ambiente. Esaki ta un paso importante pa



nos comunidad y turismo di Aruba den su totalidad. E acuerdo di colaboracion aki ta cubri un total di mey miyon florin cu ta inverti pa duna sosten y realse na e causa comun y ta un muestra di compromiso entre A.T.A. cu FPNA, un compromiso cu ta ancraden A.T.A. & FPNA su plan di maneho multi anual”, tabata palabranan di CEO di A.T.A. Ronella Croes na e ocasion aki.

“Fundacion Parke Nacional Aruba como un organizacion independiente di maneho di conservacion di naturalesa den areanan terrestre y marino na Aruba ta sumamente contento di por firma un acuerdo di colaboracion cu A.T.A.”, Tyson Lopez, Chief Executive Officer, FPNA ta comenta. E colaboracion lo reforsa FPNA su direccion manera ta poni den nos Multi Annual Corporate Strategy 2023 – 2032 di traha pa yega y atrae un tipo di turismo cu ta mas conciente di nan impacto riba naturalesa door di informa, educa y ofrece experencianan sostenible cu ta crea e transformacion den nos bishitantenan cu

tin un aprecio sosteni y un sentido di responsabilidad pa naturalesa.

Tocante Aruba Tourism Authority (A.T.A.)

Desde 1 di januari 2011, Aruba Tourism Authority ta opera como un entidad ‘Sui Generis’. Un organizacion independiente den e esfera publico. Aruba Tourism Authority ta fungi como ‘Destination Marketing and Management Organization (DMMO)’ y ta responsabel pa uni interes turistico entre socionan local e internacional. A.T.A. ta pone hopi enfasis riba e e modelo di “High Value-Low Impact” cu ta para pa un balans entre aumenta e balor economico di e bishitante, posiciona Aruba como un pais desea y sostenibel, y posiciona Aruba como lider di desaroyo como un destinacion. Cu meta pa sigui mantene esfuersonan den linea segun e balans menciona, y logra aumenta entrada pa medio di calidad di turismo en bes di e volumen cu nos destinacion ta ricibi. Capacidad di carga ta sigui ricibi atencion di parti di A.T.A.

Parlamentario Ricky Hoek (MEP):

TRABOU SOCIAL Y SU IMPACTO PA SOCIEDAD

, Aruba 26 Maart 2024: Tur aña riba e di tres diamars di luna di maart rond di mundo ta celebra Dia Internacional di Trahadu Social. E dia ta brinda e oportunidad pa tur Trahadu Social y otro personanan cu ta traha den e sector social pa celebra nan logronan y tambe pa crea conciencia di e rol importante cu Trabou Social ta hunga den bida di nos muchanan, famianan y otro comunidadnan den nos sociedad.

E dia aki kier pone atencion na e necesidad pa sigui planea, desaroya y sostene e profesion y e sector social, asina parlamentario di Fraccion di MEP, Ricky Hoek a declara.

Tema anual

El a sigui bisa cu e tema di e aña aki ta “Buen Vivir: Shared Future for Transformative Change” (Buen Vivir: Un futuro comparti pa un cambio transformativo). E tema ta referi na e necesidad cu tin pa e Trahadonan Social adopta metodonan innovado di intervencion cu ta wordo lidera/guia door di e comunidad. Y tambe cu e metodonan ta basa riba e sabiduria di e pueblo y e coexistencia armonioso cu naturaleza.

E importancia di Trabou Social

Trabou Social ta trece un cantidad signicativo di balor agrega tanto na e sociedad, e individuo y diferente comunidadnan. Aki lo elabora riba algun

contribucionnan clave:

- Empodera individuo y famianan: e Trahadu Social ta empodera e individuo(nan) pa surpasa tur reto, mehora nan bienestar y logra nan metanan.

- Boga pa husticia social: Trahadonan Social ta campeonnan den husticia social. Nan ta bringa contra di desigualdad y discriminacion. Nan ta boga pa maneho- y programanan cu ta sigura cu tur hende tin acceso na oportunidadnan y recursonan.

- Proteha e poblacion vulnerabel: e Trahadu Social hopi biaha ta traha na e front line caminda e ta proteha esnan vulnerabel den sociedad entre otro mucha, adulto mayor y persona cu limitacion. Nan



ta sigura cu e individuonan aki tin acceso na e servicionan esencial y cu nan ta protehi for di tur daño.

- Banda di e trabounan importante di intervencion personal cu e Trahadu Social ta brinda, nan tin un aporte mas amplio pa e pais.

E Trahadu Social ta contribui na desaroya un maneho social cu ta

monstra e necesidadnan den comunidad y e intervencionnan necesario. Tambe prevencion ta un punto cardinal di atencion, caminda e Trahadu Social ta señala problemanan na un fase trempan, prome cu nan escala den problemanan mas grandi.

Den realidad, e trabou di un Trahadu Social ta e weso di lomba di un red social fuerte den comunidad. Nan ta sigura cu tur persona tin acceso na e recursonan y ta sostene nan pa yega na un bida saludabel, logrando metanan y un bida husto. Un pabien na tur nos Trahadonan Social riba nan dia, Parlamentario Hoek a finalisa bisando.

Prome Minister Evelyn Wever-Croes:

E UNICO TERENO CU GABINETE WEVER-CROES A OTORGA DESDE 2017, TA PA CONSTRUI SECRETS HOTEL NA SAN NICOLAS

Gobierno ta kere den desaroya San Nicolas



Prome Minister Evelyn Wever-Croes a indica cu desde inicio di gobernacion di Gabinete Wever-Croes, e unico tereno cu a ser otorga, pa loke ta trata

construccion di hotel, ta e tereno pa construi Secrets Hotel na San Nicolas.

Un di e prioridadnan di e gobierno actual ta pa traha

na bienestar y desaroyo di San Nicolas, y pa e motibo aki a tuma e decision pa otorga e permiso pa e hotel aki, cu lo crea cupo di empleo y e desaroyo economico cu e comunidad di San Nicolas tanto ta anhela.

Gabinete Wever-Croes a hereda un compromiso total di 7000 camber, a logra bahe na 2000, y lo sigui traha na reduci e cantidad aki aun mas.



“DEPORTISTANAN DI ARUBA A DESTACA DEN GRANDI DEN WEGANAN INTERINSULAR NA BONAIRE”



Recientemente a tuma luga na hermana isla Bonaire, Weganan Interinsular 2024, caminda e biaha aki a competi den Aquathlon 11-13 aña, basketball basis school y futbol voortgezet.

Pa loke ta trata, delegacion di nos isla, mester bisa cu Aruba a wordo bon representa pa tur tres ramo di deporte.

Aquathlon:

Den deporte di Aquathlon, atletanan di Aruba a duna un resultado sobresaliente, den categoria 2 di landamento mucha muher, Kaythlin Thiel a keda na prome luga, sigui pa Ryzilaine Richardson na di dos luga, Jira Oleana y Kidagakash Galea tambe a duna bon desempeñu y a keda na di cuater y cinco luga.

Pa loke ta trata coremento categoria 2 damas, Kaythlin Thiel a keda na di 6 luga, sigui pa Ryzilaine Richardson, Jira Oleana y Kidagakash Galea cu a termina na di cuater, tres y prome luga.

Den categoria 3, atletanan di Aruba a sa di demostra tambe nan nivel Atletico caminda cu Emma Gob-

ert a keda na prome luga, Evie Adele na di dos luga, Chloe-Nicole Dirksz na di seis luga y Laura Bonnevalle na di 10 luga.

Den categoria 2 landamento mucha homber, Lucas Bonnevalle a keda na di tres luga, Jeandrick Albertus a keda na di 7 luga, Maeyson Kock a keda na di 8 luga y Geyon Eights a keda na di 10 luga.

Den coremento, Maeyson Kock a keda na prome luga, Lucas Bonnevalle a keda na di tres luga, Jeandrick Albertus a keda na di cuater luga y Geyon Eights a keda na di ocho luga.

Den categoria 3 mucha homber, aki tambe atletanan di Aruba a sa di destaca den grandi caminda na prome luga a keda Xyon Jabos, Max Dennert na di dos luga, Enzo Croes na di tres luga y Fredde van Poel na di seis luga.

MVP mucha homber a keda Xyon Jacobs, MVP mucha muher a bay pa Emma Gobert y Kidagakash Galea.

Basketball:

Pa loke ta trata weganan di basketball Interinsular, Aruba a sa di demostra

bon wega di nivel y a domina esaki te final di e torneo.

Contra di Curaçao, Aruba a hunga un bon wega y ta gana cu score final di 9-5, siguiente wega tabata entre Aruba y Bonaire, aki tambe Aruba a domina e wega y ta logra bay cu e victoria cu score 15-8 y asina a pasa tambe pa e gran final.

Den wega final, un biaha mas Aruba a enfrente Bonaire y ta logra bay cu e titulo di campeon di Weganan Interinsular ganando Bonaire cu score di 15-8. MVP den basketball a keda Danoe Gumbs.

Futbol:

Den weganan di futbol categoria damas, Aruba a prepara bon pa defende su titulo di campeon cu a wordo logra na 2023 na Aruba.

Prome wega Aruba a domina e wega contra di Curaçao y ta bay cu e victoria cu score di 13-3, den di dos wega Aruba a enfrente Bonaire y ta gana cu score di 12-3 y asina ta pasa pa e gran final.

Den wega final Aruba ta gana Bonaire cu score di 12-3 y asina ta titula campeon di Weganan Interinsular pa di dos aña



consecutivo y tambe invicto pa di dos aña consecutivo.

MVP di futbol damas a resulta pa di dos aña sigui Loredana Neppi.

Pa mas informacion, por bishita e link di resultado di Weganan Interinsular: <https://docs.google.com/spreadsheets/d/1FaH2IzShzlkRsc7O-RxUIVR3JtyW68Rf/edit?usp=sharing&ouid=108538134782688250303&rtpo f=true&sd=true>

IBiSA ta orguyoso di e esfuerzo y dedicacion di

atletanan di Aruba y ta felicita tur e ganadornan di Weganan Interinsular Bonaire 2024.

Proximo Weganan Interinsular ta bay tuma luga na Curaçao for di 11-14 di april 2024 y lo competi den basketball voortgezet, volleyball basis school y atletismo.

Clasificados
CLASSIFIEDS
SOLODIPUEBLO@GMAIL.COM
CEL. 585 9500

Tres herido leve den accidente ariba crusada conoci di Weststraat



Weststraat / Prof.lorentz- straat - Diadomingo ano-

chi polis y ambulance a bay ariba e crusada di Weststraat cu Prof. lorentzstraat pa un accidente di trafico.

Na yegada polis ta haya un Mitsubishi Lancer y un Hyundai suv v-car.

Na yegada di ambulance e mester a controla tres persona, cu a ricibi golpi den e inpacto pero na final ningun tawata desea di bay cu ambulance direccion Hospitaal.

Falta di preferencia manera den mayoria di e accidentenan ey ta pa falta di preferencia, dus yega subi



e crusada sin pone tino ariba autonan cu ta bin di pariba y pabou.

Mester bin indicacion mas duidelijk pa evita un accidente pio.

PIEDRA PLAT TA BISA DANKI NA PUEBLO PA A SELEBRA 18 MAART NA GRANDI DEN NOS BARIO



Dialuna 18 maart ultimo diferente organisacionan den bario a bin hunto pa celebra nos dia nacional esta dia di himno y bandera den e bario di Piedra Plat.

E celebracionnan aki a cuminsa hopi aña pasa ora tabata celebra dia di La Reina den April y despues di tempo a cambia pa 18 maart. Organisacionan manera C.B. Piedra Plat,

SV Britannia, Fundacion Centro famia Piedra Plat, Scol di musica Car Ritmo y Roller Skate Aruba a uni forsa pa haci e dia aki grandi.

E actividadnan a cuminsa for di mainta trempan cu un grandioso coffee morgen, sigui pa cumindanan y cosnan dushi crioyo, weganan di futbol, weganan popular, benta di artesaniania, speeltuinen, Dino Jumb,



roller skate pa mucha y adulto, presentacion di diferente gruponan musical y bailenan folklorico.

Banda di tur e fasetanan cu tabata exitoso, e famoso balansamento di auto tabata e culminacion di e grandioso actividad aki den e bario di Piedra Plat.

Un danki special ta bai na



e apoyo ricibi di: Unoca, CEDE Aruba, Bright Bakery, Bo Botica Paradera, Compra NV, ASD, Elmar, Satex, CCDN, Setar, WEB, STERN, DCA, Arugas,

Aruba bank y na tur e bolutarionan cu a traha incansablemente pa realisa e evento grandi aki celebrando nos dia nacional den bario di Piedra Plat.

Ambulans a bay warda di polis Oranjestad pa un detenido cu un kap na cabes

Dialuna madruga presen-
cia di ambulans a ser so-
licita na warda di polis na
Oranjestad pa un detenido
cu tabata tin un kap na

cabes, mesora a dirigi un
ambulans di Post Sasaki-
weg na e sitio.

Na yegada di e ambulans

nan a atende e detenido na
warda mes y esaki no ta-
bata asina serio cu mester
a bay hospital.



Polis a bay atende un ac- cidente cu daño minimo na rotonde Las Americas

Diadomingo atardi a dren-
ta informe di un accidente
na rotonde Las Americas,
mesora a dirigi un special-

ista di trafico na e sitio.

Na yegada di e patruya
a bin compronde cu un

chauffeur no tabata sa con
pa core den un rotonde y
a bay dal riba e otro auto.




Polis a bay na Fermin's Bar pa un candela

Dialuna madruga a drenta
informe di cu tin huma sa-
liendo for di Fermin's Bar,
mesora a dirigi un patruya

na e sitio.

Na yegada di e patruya a
bin compronde cu aki ta
trata di e carbon usa cu

nan ta benta den un baki
metal pa e caba di kima
eyden.



Polis a para chauffeur burachi coriendo auto malisimo riba caminda di Sanicolas bay pabao

Diadomingo anochi a
drenta informe di cu tin
un chauffeur coriendo ma-
sha malo mes riba camin-
da di Sanicolas biniendo
pabao, mesora a alerta
patruyanana riba caminda.
Un partuya di Santa Cruz
a purba par'e pero ela sigi
core te yega su cas. Ey-
nan polis a atende cun'e
a dun'e boet pa core auto
bao influencia y no para pa

polis y ademas a duna un
prohibicion pa core auto e
proximo oranan y a kita e
yabi di auto for di dje.

Net e dama doño di e auto

a yega y polis a duna e
dama e yabi.

E dama a duna e homber
un bon zundra tambe riba
dje.



Aruba Excels Once Again in the Second Annual ABC Beach Tennis Cup



Aruba - March 26, 2024 - The second edition of the ABC Beach Tennis Cup took place this

past weekend, from March 22 to 25, in Bonaire. The sporting event draws top beach

tennis players from each island to battle it out for their respective island nations. With 80 teams and 160 players total signed up for the ABC Cup, it was a completely full tournament.

Held as part of the Bonaire International Sports Week, the tournament witnessed Aruba's athletes clinching numerous gold medals, underscoring their dominance in the sport.

Amongst the categories contested, Aruba particularly excelled in the Advanced Men and Women as well as the Open Women divisions. In the highly competitive Open Women's category (top level play), Maria Buuts and Eugemine Ignacio from Aruba dominated the competition, securing the gold medals with their outstanding performance during an intensely tight match against Bonaire's Farah Mesbahi and Inge Vos. In the Advanced Men's category, Anderson Giel and Amaro

Maduro showcased their exceptional skills and determination to claim



victory. The Advanced Women's division witnessed an all-Aruba final match, with Jenna El Oualkadi and Rixt Kramer emerging as the winners, while Yentl Lieuw and Jacomien Aleman represented Aruba as runners-up, further strengthening Aruba's dominance in the ABC Cup.

The annual tournament also gives a good indication of the rising level of beach tennis on the individual islands and the results are visible in the Open Men category with an all Bonairian final played by Jerry Lomp and Sigrel Burnet against champions Tim Eikholt and Joeri van Bon. Highlighting the camaraderie and teamwork encouraged by events like the ABC Beach Tennis Cup, the tournament was a chance for players from nearby islands to come together, enjoy the sport, and connect.

The Aruba Open Beach Tennis Championships, which takes place every

November on Bushiri Beach, is one of the biggest beach tennis events worldwide, attracting players from across the globe. Bonaire regularly sends around 50 players to this event, so it is only natural for Aruba to return the favor by visiting Bonaire's expanding beach tennis facility, strengthening the bond between the sister islands even more. Looking back on Aruba's impressive performance over the weekend in Bonaire, Marc Kiezebrink of Beach Tennis Aruba says he is incredibly proud of the athletes' accomplishments, attributing their success to their unwavering dedication and hard work. He emphasized the growing popularity of beach tennis globally and within the ABC Islands, applauding Aruba's players for leading the charge once again. For more updates and information about Beach Tennis Aruba, please visit www.beachtennisaruba.com.



PRONOSTICO DI TEMPO

VALIDO TE DIARAZON 27 DI MAART 2024,
18:00 ORA

TEMPO:

AWE TARDI Y AWE NOCHI: PARCIALMENTE
NUBLA Y GENERALMENTE SECO

DEN MARDUGA Y MAYAN: PARCIAMENTE
NUBLA SIN AWACERO DI IMPORTANCIA

TEMPERATURA MAXIMO 32 GRADO CELSIUS

TEMPERATURA MINIMO 26 GRADO CELSIUS

INDICE DI CALOR (HEAT INDEX) DEN Y ROND

DI ORANAN DI MERDIA: 33 PA 38 GRADO CELSIUS

UV INDEX: 12

POTENCIAL DI AWACERO PA PROXIMO 24 ORA:

MENOS DI 1 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y

AWACERO (MM) DEN ULTIMO 24 ORA (8'AM PA 8'AM):

PRONOSTICO DI TEMPO PA PROXIMO 3 DIANAN:

PARCIALMENTE NUBLA, SIN AWACERO DI IMPORTANCIA.

BIENTO LO TA FOR DI DIRECCION OOST Y MODERA;

BASTA FUERTE TE FUERTE DEN RAFAGA. TEMPERATURA (GRADO CELSIUS)

MAX / MIN LO TA: 32 / 26

HOROSCOPO

Feliz y productivo diarazon. Awe Solo di Pueblo ta presenta Horoscopo pa dia 27 di maart 2024.

Aries

Cu tanto reunion, bo relacion di pareha por resentí. Despues di e gastamento realisa, revisa bo cuentanan. E éxito empresarial ta spera bo ey mes. Vigila e excesonan alimenticio, e no lo beneficia bo. Number di suerte: 29, 16, 9.

Tauro

Contra, reproche conta bo pareha no lo conduci na nada. Si bo ta purba pa placa no preocupa, e ta pasahero. Bo popularidad na trabao ta debi na bo compañerismo. Pa descarga adrenalina, ta cumbini bo haci deporte. Number di suerte: 54, 91, 6.

Geminis

Relacion di pareha excelente cu gran entrega mu-

tuu. Bo ta vence facilmente e dificultadnan economico. E influencianan cu ta haci bo duda di bo trabao ta mescla. Bo ta fuerte fisico y mentalmente. Number di suerte: 25, 87, 8.

Cancer

Bo pareha ta purba di limita bo libertad di accion. E sector economico por tin imprevisto. No tranca, acepta e proposicion laboral nobo. Pa bo salud, no acumula cansancio. Number di suerte: 73, 79, 1.

Leo

Pelea sin fundeshi lo aleha bo di bo pareha. No ta un bon dia pa haci inversion ariesga. Debi na bo constancia, lo bo logra haya un bon trabao. Pabien, cu deporte bo a recupera bo figura. Number di suerte: 75, 79, 7.

Virgo

Romanticismo mal com-

prendi lo crea un conflicto amoroso. Spaar un poco pa ora cu e baca flaconan yega. Bando e preocupacion ey, nan lo renoba e contract. Oportunidad pa cuminsa cu actividad relahante. Number di suerte: 12, 73, 6.

Libra

Encuentro hopi satisfactorio cu bo famia. Bo imaginacion lo saca bo di problema financiero. P'e bienestar di tur, percura pa relaha na trabao. Lo bo haya dolor na bo pianan. Number di suerte: 88, 56, 9.

Scorpio

E palabranan di bo pareha lo crea un gran inquietud. E strategianan economico ta duna su fruto. Ambiente laboral complica, actua cu cautela. E drukete diario lo provoca hiperactividad, descansa mas. Number di suerte: 81, 59, 2.

di suerte: 97, 38, 1.

Acuario

Cosnan di curason ta tranquil. Lo bo administra cu precision bo inversionnan. Haci paz cu e compañero conflictivo ey. Bo mester lubida pa algun dia bo obsesion cu dieta. Number di suerte: 73, 29, 7.

Piscis

Si bo no kier sufri un desengaño, habri bo wowonan. Hopi gasto lo tuma luga, pero tambe hopi entrada. Bo ta sali bon for di e situacionnan dificil y bo hefanan sa esey. Uza parti di bo energia pa realisa ehercicio den aire liber. Number di suerte: 58, 73, 9.

	3				5	6	
1			6				
		5	8		9	1	
9							
							5
	8	1		2	3		
				9			2
	5	9				4	

	7			2		4	6	
	6					8	9	
2			8			7	1	5
	8	4		9	7			
7	1					5	9	
			1	3		4	8	
6	9	7			2			8
	5	8					6	
4	3			8			7	

ARMONIA Y BELLEZA SALON & SPA

SERVICES

- Massage therapies
- Facial treatment
- Hair style
- Pedicure & manicure treatment
- Makeup & waxing

For More Details:
 ☎ # 5684142 (WhatsApp)
 ✉ armoniaybellezasalonspa@gmail.com
 📍 Shiribana 12 b. Aruba






A DESCUBRI UN "SWITCH" CU POR YUDA COMBATI MALESA AUTOIMMUNE

Nos sistema inmunologico ta capaz di diferencia entre e kimica di e propio curpa y esun di un patogeno cu ta invade. Ora e capacidad aki no funciona bon, e organismo por converti den e escenario di un tipo di "guera civil", caminda cu e celnan sano ta wordo ataca.

Recientemente un ekipo di investigado di e Scol Politecnico Federal di Lausana (Suisa) a identifica un proteina cu por actua manera un tipo di "switch" pa desactiva un sensor di virus infiltra.

Ta trata di un compleho proteico yama CRL5-SPSB3, cu ta hunga un papel clave p'e enzym



GMP-AMP sintasa ciclico (cGAS), responsabel pa identifica patogeno invasor, ta uni na cualkier DNA straño cu ta flota pafu di e luga den e citoplasma di un cel y ta desencadena un reaccion cu ta adverti e curpa e presencia straño.

E cGAS tin mester di ta es-

trictamente regula, vooral unabes cu drenta den e nucleo celular. Asina ey, e hallazgo encuanto e rol cu e CRL5-SPSB3 ta hunga, a permiti identifica un "switch" biologico, p'e enzym no funciona caminda cu no ta rekeri un resultado immuun.

"Hunto cu e interaccionnan previamente defini cu e nucleosomanan, nos resultadonan ta proporciona u modelo structural completo di e regulacion nuceal di e cGAS," e investigadonan ta especifica den un articulo publica den e revista Nature.

E resultadonan di e estudio ta sugeri cu e compleho proteico CRL5-SPSB3 por ta un diana terapeutico prometedor pa combati malesa autoimmune, manera diabetes tipo 1 y e malesa inflamatorio intestinal cu ta tuma luga ora cu e controlnan di e sistema inmunologico no funciona manera cu mester ta.

E investigacion nobo ta destaca cu un di e potencial controlnan aki mester wordo studia mas profundamente.

Clasificados

SOLODIPUEBLO@GMAIL.COM
CEL. 585 9500

MARAVILLAS DE LA FE

Salud
Suerte - Amor

Aruba: 748-5671
Cartas di tarot

Bo ta sufrí di un malestar cu bo no por cura?
Bo ta victima di bruheria?
Bo plaka no ya jega?
Bo cumpra numbernan y bo no ta gana?
Bo ta bai casino y no puede tur bo plaka?
Bo tin problemanan di amor?
Bo pareja ta ganiabo?
Fracaso. Soledad. Malesanan angustia. Mala suerte
Comunica na 748 5671

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 26 Maart 2024 Merdia

CATOCCHI Sorteo # 4221 5599 6582 3479	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 150.000,-
FP BIG 4 Sorteo # 4221 0065	LOTTO DIA Sorteo # 0 x Jackpot 0 x Match 4 0 x Afl. 8,00 63.000,-
X2 10FF Sorteo # 2277 3507	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 300.000,-
ZODIAC Sorteo # 4221 5524 Virgo	MEGA Afl. 400.000,-
LUCKY 3 Sorteo # 1095 332	KORSOU Sorteo #
X2	

ORACION DI DIA

Un feliz diaranson santo cu hopi bendicion y debocion

"Mi mester anuncia e era di Señor Su gracia." Lucas 4,19

Hesus a bini pa establece Su Reino aki na mundo. Esey tawata Su mision. E tawata ungi cu Spirito di Señor pa anuncia e Bon Noticia na tur esnan pover di spirito y esnan desanima. Tambe E tawata proclama libertad pa esnan cu tawata preso, esclavo di pica y mara na cadena cu bicionan. Hesus a bini tambe pa habri bista di tur esnan ciego spirit almente cu no tawata mira e realidad y a perde speransa. Tur esnan cu ta wordo oprimi y trata inhustamente Hesus a bini pa duna nan e libertad. El a stima nos y a drama Su sanger pa libera nos di nos pica. Hesus kier anuncia e era di Señor Su gracia. E dia cu Señor ta bay muestra pueblo Su bondad. P'esey laga durante e siman santo aki nos keda cu nos bista fiha riba Hesus, Esun cu a sufri cruelmente y a wordo crucifica pa cada un di nos cumpliendo cu Dios Su Palabra.

Ban must'r'E e amor cu nos tin p'E entregando nos bida na djE y must'rando e amor di Dios na esnan cu mas tin meter di djE.

Oracion: Tata Celestial laga cu Bo Spirito Santo bin podera di nos y habri nos bista spiritualmente y duna nos e libertad pa proclama Bo reino di amor, paz y husticia.

Amen.

FORTALEZA PA FAMILIA

Scirbi pa Pastor Marcel Balootje.

E BENEFICIO DI ESNAN CU TA FIEL NA DIOS

Confia den Señor y haci loke ta bon, biba den e tera y alimenta bo mes cu Su fieldad. (Salmo 37:3).

Senjor ta fiel, Señor ta bon, Señor ta maraviyoso, Señor ta misericordioso, Señor ta bondadoso. Tur esey Señor ta pa nos.

Leon chikito si tin necesidad y ta pasa hamber, ma esnan cu ta busca Señor lo no tin falta di ningun cos bon. (Salmo 34:10).

Un hende fiel lo ta yen di bendicion, ma esun cu ta pura pa bira rico, lo no keda sin castigo (Proverbi-onan 28:20).

Fieldad na Dios ta bini na prome lugar, ora un homber ta fiel na Dios, e ta fiel na su esposa, y fiel na su familia, pasobra ta difcil pa un hende ta infiel na su esposa/esposo/familia y ta fiel na Dios.

Fieldad ta nifica mi ta esforza mi mes pa permanece den caminda di Dios, y cumpli cu e boluntad di Dios pa mi vida.

Den Daniel capitulo 6, Daniel ta duna nos tur cu ta stima Dios, y tin Dios na prome lugar den nos vida un ehempel di locual ta fieldad, na momento cu e ta pone Dios riba tur cos, y rechasa idolatria, a costo di su propio vida..

Den Genesis capitulo 6:6-15 Hose ta duna ehempel con un persona porta fiel na Dios y respeta su mes y respeta hende, prefera core bay sunu enbes di cay den adulterio y faya cu Dios.

Den Daniel Capitulo 3:16-25 Sadrac, Mesac y Abednego a demostra cu ora nos ta fiel na Dios, Dios ta hunto cu nos tur momento. Y nan tabata tres hoben cu a duna e bon ehempel.

Ora bo ta fiel na Dios, bo no tin miedo di hende, ora bo ta fiel na Dios, tur momento su Palabra ta conta pa bo.

Ora bo ta fiel na Dios, placa ni posicion, ni tampoco poder, no por cumprabo, ora bo ta fiel na Dios bo no ta bandona bo fe of creencia pa complace cu hende, ora bo ta fiel na Dios, bo no por uni den yugo desigual, den ningun forma.

Dios ta buscando hendenan fiel y dispuesto pa sirbi Dios tur momento, y Señor conoce esnan cu ta fiel na dje, y Dios ta mantene un cura di bondad rond di esnan cu ta di dje.

Hende fiel na Dios ta papia berdad, pasobra nan sa cu berdad ta trece ganashi y bendicion den nan vida y tambe riba nan familia.

Boso cu ta stima Señor, odia maldad, E ta preserva vida di Su Santonan, E ta libra nan for di man di e malbado. (Salmo 97:10).

Nos Rey y Señor Cristo Hesus, tabata fiel den tur cos, E a muri na crus pa nos picanan, lanta despues di tres dia for di morto y ta bini bek bin busca Su pue-

lo, pasobra e a priminti cu nunca e lo bandona nos ni tampoco laga nos desampara.

E maldad di mundo ta aumenta dia pa dia, materialismo ta kibra familia y matrimonio, inmoralidad y abominacion kier domina, pero e remanente fiel na Dios lo permanece, y lo para y duna cara, sin involvi cu cosnan di mundo, sin busca interes propio, pasobra fieldad na Dios tin un

costo hopi halto den vida di hende.

Locual ta e hecho mas bunita ta cu no ta nos mes ta califica nos mes como hende fiel, como algo pa broma cune, of pa facie un competencia, pero hende fiel ta wordo marca pa Dios, y Dios ta purba esnan cu ta fiel (Job 1;1) (Job 1:6-8).

Dios ta fiel. Sinceramente, Pastor Marcel Balootje.

SETAR ta participa fayecimento di nos colega:

Sixto Dirksen

Acto di entierro ta tuma luga diahuebs 28 di maart 2024 di 9.00 am pa 11.00 am na Misa Inmaculada Concepcion na Santa Cruz.

Gerencia, Staf y Personal di SETAR N.V. ta extende palabra di condolencia na familia y conocirnan di nos colega Sixto.

Cu Sixto sosega na paz.

Sindicato di Trahador den Telecomunicacion

Sindicato STT ta participa fayecimento di nos miembro y colega:

Sixto Dirksen

Acto di entierro lo tuma lugar diahuebs dia 28 di Maart 2024 di 9:00 am pa 11:00 am na Misa Inmaculada Concepcion na Santa Cruz.

Sindicato di Trahadornan den Telecomunicacion ta extende palabranan di condolencia na su Esposa, su yiunan y demas familia.

ANUNCIO

SETAR ta informa cu pa motibo di entierro di nos colega Sixto Dirksen nos ta cera pa publico:

- diahuebs mainta dia 28 di maart 2024

11.30 am ta reanuda servicio na nos clientela.

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of Whatsapp na 597-9999.